

皇琴里曲耳詩不里號之里何居謙也偉  
卸性之之爲詩風澗者雅學豐詞不餒正  
氣充體不頹卷若窄籠古今之變濶篇若  
少扶乾坤之縕多視代間韻音浮響家遼  
矣蒙叟有知是當起大聲不入里耳之嘆  
皇琴哉詩世業乃精無六一有集否無東  
坡有過否有藝叔即有性之藝叔詩工如  
柳烟鶯曉障杏露蝶春糧如桃葉渡江狂  
子敬梨花帶雨澹真妃皆奇性之蓋出此



有夷仲即有藝叔仲叔季父也東山楊伯  
子題仲集云半山絕句人以王二十八稱  
夷仲七言請以鄧五十六稱藝叔又出此  
夷仲騷藝叔豪性之固應高杜氏一門審  
言也甫也荀崔也趙世之三傳也詩品人  
品荀崔俱下也鄧之傳三世繼也性之非  
荀崔比也淳祐十一年至朔大山蕭山則  
序

皇琴曲

南國有佳人

臨川鄧林性之自號四清社友

南國有佳人仙姿自蓬島龍綃照明璫鳳  
釵橫貴冑新粧試鸞鏡皎皎顏色好芳年  
條已算君子可偕老奈何行媒弱修言棄  
中道洞房暗惆悵琦璜結紐縞寧作鍾離  
春勿學姑瑤草

效晉樂志拂舞歌淮南王二篇

國家圖書館 NATIONAL CENTRAL LIBRARY, TAIWAN, R.O.C.

東昏侯 自言安 仙華玉珮 浮雲端

繡窓錦幔 飄飛仙 丹青美女 侍

七賢 侍七賢 奏笙歌 笙歌逸響

哀怨多 苑中花木 費綺羅 我欲踰

城 城有圍 願作雙黃雀 栖瑤池

栖瑤池 辟塵垢 至尊屠肉 潘妃酷

酒 石頭江上 龍駒走 三月春風

弔楊柳

唐明皇 自言榮 金輿翠輦 遊華清

廣寒宮殿 凝水晶 霓裳羽衣 沈

香亭 沈香亭 汎流霞 流霞歛灑

隊正家 誰知野鹿 啣宮花 我欲渡

關 關有兵 願作雙丹鳳 飛瑤京

飛瑤京 隱烟霧 錦翎酥酪 香囊塵

土 劍閣縈紆 家何許 梧桐葉葉

鳴秋雨

劉阮

鹿車小宇宙 據鞍常醉眠 風塵瀕洞時 杯

裏全其天伶達故自佳藉狂乃無用試看  
勸進表何如酒德頌

東山彭澤

乞靈風雀屐折齒壁後寘人汗如洗樵漁  
雜沓坐林間蜉蝣塵埃不可攀石頭擾擾  
柴桑閤

任彥升

鈴懸四角五采旗分明天產真英竒阿誰  
文章妙一時士林往往推元龜楊梅密領  
仁且慈挑菜麥飯清堪師何愁不得中書  
爲半生紆意梅虫兒

陶通明

眉踈目朗姿圓通詩書萬卷羅心胸華陽  
三茅仙洞中鳳笙隱隱和松風薪林圖識  
呈梁公朱砂曾清霜雪容服之身體飄輕  
鴻積金澗泉東復東山中宰相那無功昭  
陽竟作單于宮

綠珠詞

涼臺瀟洒臨清波翠幄珠簾明綺羅哀絲  
豪竹按清歌紅潮素臉春風和主君歡娛  
美人醉報有無情使車至幾叢蘭麝俱委  
塵獨指綠珠可當意衆中偏是承恩深妾  
身雖賤無二心君前判命效一死玉笛收  
聲紅日沉輕裾飄向闌干角花鈿散地金  
釵落到頭不負齊奴約猶勝識字空投閣

玉兒

金蓮華上俞居士永壽神仙羅繡綺苑中  
荊萩市令嚴玉像支離瓦官寺六官鴨

起淫風太白便應懸妲己此身肯許堯鑿  
夫猛爲東昏判一死到今羞殺賣降人去  
作練兒梁姓臣

瓮繭吟

有繭大如瓮其來自扶桑縑成白雪絲一  
縷萬丈長染人嫁五色妙織雲錦章竒文  
雜經緯紈素無晶光細纈時所愛輕練貴  
侯王緇衣不可作此物閤篋箱袞職豈無

關終當補虞裳

結友四清

飄風吹游塵古道少人行  
涇水化為泥滄江汙君纓  
嗟余侷工巧世外陶間情  
衆芳怨蕪穢不忍施菜盈  
庾嶺姿皚皚渭川色青青  
三閭秋思九韶鏗樂聲  
蕭然庭宇中對之成五清  
滔滔揚波者剝首一吹輕  
靈修倘見知冰霜憺嫵名

次韻陳均甫郊行

黃塵敗素意出門愜郊行  
野菊含冷酸岩松起寒聲  
高山唐業崇流水晉時清  
拾薪歸底用石鼎待彌明

關山月

關山夜月明王分彩照胡兵  
江將軍擁節起古長戍受降城  
江總焚烽望別壘陸欲驗盈虛駛張塞笳  
王夜鵲阮戰氣今如此徐重關掩暮烟  
賀力雲陣上初連徐思婦高樓上徐遙心百里懸  
賀力

題劉功父與耕堂

默耕原不外靈臺何用錢添百屋堆甘雨  
每從和氣出祥風常自善心來吟畦有礙  
皆除去境界須寬夏放開種德欲如多黍  
稌本仁先且護根荄太平國裏青精飯永  
熟鄉中玉液杯會得遺安龐老意力行好  
事厚栽培

書懷

西風吹羽扇吾道竟淒涼上坂勞騏驥低  
巢窘鳳凰可求非富貴無用是文章冉冉  
淡林底幽蘭正自香

真陽峽

滿眼皆吟料歸囊未盡空江波連岸碧野  
火漲天紅高樹笛寒日長蘆轉晚風客身  
雖小艇心已故山中

凌江灘

灘高舟上緩閒眺暮江濱竹本沙痕舊茅  
叢燒色新青裙瓶汲澗白帽斧尋薪渺渺



歸隱之樂一故人

送沈

江流只似北溪山無見關二口南寧道三

上愛文之出雲春朝日對花時夢雲添香

心書

早還劉功父清溪

月桂山河大風草木涼征塵生杖屨香

霧漫衣蒙古霜葉枯鶻荒蹊蹴聚蝗白雲

音未遠已轉九

曲江歸舟

只道蓬低礙覓詩眼前物色自多奇千山

楮去如秦樣一水清來似晉時漁父豈無

綠葦葦樵人恐有負苓師僮奴忽報梅花

動春在江頭最北枝

村居

古來村裏起功名當日南陽亦自畊幾筆

遠山仁者靜半篙流水聖之清晚風蟬響

勝金奏夜露螢光即火城人得一閒高一

着不須史論又詩評

感興

竹帛功名九折車  
栖遲岩野竟何如  
浣花溪上尋佳句  
積穀山頭讀異書  
江左風流空醞藉  
淮南烟景尚凋疎  
太平十二河汾策  
輒欲排雲謁帝居

蛟峯先生

瘳蛟蟠伏鬣封孤  
雲黯幽亭日向晡  
雙柱千年翔化雀  
崔四山半夜泣於菟  
老天忍挫真英物  
厚地甘埋大丈夫  
無計發潛空淨落  
雨松霜栢照烟蕪

賦江郊漁弋

占斷江山是一家  
寄情漁弋當生涯  
青楓翠竹春屏葉  
白藕紅菱曉鏡花  
鴻鵠鷓鴣鵬鷓鴣  
鱗鱗鱖鯉鱉鱔  
河陽書到君當起  
鸞發千鈞釣五車

豫章

郡名猶是漢流傳  
宇宙江山復幾年  
畫閣

倚空家十萬紅粧鬪夜妓三千層城歌舞  
秋風外故國興亡夕照邊近歲潯陽成重  
鎮鎮南烏幕鎖蒼烟

贛上思親

庭下青萱意自舒起居近日復何如熏香  
莫遣衣篝潤餌藥從知酒盞踈教婦丁寧  
唯禮法勗孫長久是詩書手中牋在常珍  
重空寫平安託鯉魚

章貢祥符吳道士嬾窩

半年收得自由身坐斷窩中嬾是真日短  
日長唯守靜雲來雲去不生嗔破除機械  
鷗盟熟脫畧錙銖雀料貧舊看黃庭猶忘  
却應無心力對閒人

江湖偉觀

世間無盡是天游愛出湖山最上頭江面  
春光潮卷雪湖心寒影月澄秋海門舟楫  
雲開見瀛嶼亭臺水載浮不比錢塘歌舞  
處遠懷西北有神州

送徐權院奉戶檄之九河等郡

中邊瑩徹是冰壺空盡時情意氣殊已向  
銅龍梯要路又隨玉馱駕征涂風生湓浦  
江流急雲滿康廬夜月孤竭到東南無力  
了一分寬處是規模

蘭

野客過門叫賣蘭清風便自逼人寒孤根  
未必靈均種推作離騷行輩者

聞雞

不因風雨不分明羞殺譙樓打亂更世上  
公侯多改節無人肯聽丑前鳴

晉武帝

秋風銅雀曲池平吳主宮娃滿掖庭憑仗  
皇孫聰慧早不知禍在夕陽亭

左太冲

辛勤十稔賦三都聞者曾貽酒瓮書它日  
洛中添紙價陸家兄弟竟何如

朱彦和

文如玉海動時流曾以書棋伏隱侯武德  
閣前消幾語却令梁武缺金甌

任蠻奴

千里旌旗已渡江蠻奴苦諫喚蕭郎却持  
官裡黃金去望拜韓擒石子岡

敬微

受用廬山水石竒亭亭霞外薜蘿衣侍中  
那抵蘇門障笑死丹青陸撰微

鄧郁

雲母餽糧五嶽樓繡鞋少女導仙遊不應  
輕信雙青鳥僂遣東都事業休

石崇

梓澤神仙第一居爭豪不惜碎珊瑚荊州  
使客知何罪未必亡身爲綠珠

張茂先

辨精龍肉亦竒才雄運干將耿不回只守  
鷓鴣冥蚊睫賦天星未必折中台

王夷甫

玉塵消搖吐妙言  
清流都指作龍門  
白頭  
苟活尊胡虜  
夜半排牆未是冤

張曲江祠

延英幾度獻忠言  
白羽他時賦感恩  
自是三郎真贗錯  
却將天寶換開元

貪泉

千古遺蹤散曉烟  
空餘兩字寺門前  
世間貪者滔滔是  
何必俱曾飲此泉

送衡山琴畫張道士二首

滿天風月澹蕭騷  
三尺孤桐古調高  
不敢

問君聽別操  
請彈二十五雜騷

滿空烟雨澹模糊  
三尺霜縑老墨枯  
不敢

問君求別景  
請描七十二峰圖

桂村

剪剪霜風起晚吹  
一溪流水浸寒暉  
客衫猶恨吳綿薄  
不道邊人盡鐵衣

利州進馬

靈關玉壘自崔嵬  
誰向西邊起禍胎  
萬里

望堯通一祝天街御馬利州來

過綠野

世上今無隱退風地名獨與午橋同往來  
怕看銅駝陌閒倚柴門憶晉公

西湖

高價租船作勝遊窮逋那敢鬪風流西湖  
多少問春水不洗中原二百州

望和靖墓

孤山擎出水中尖笛下梅花代代香滿酌  
湖波遙一醉問咸平事已荒涼

九里松

松是山林一手栽堯天長就棟梁材龍髯  
怒起春風急似恠遊人喝道來

跋

此五十詩老坡所謂淘鍊銀耶古如洞庭  
樂其思幽律如懈谷簫其和宣絕如喬木  
嚶其音活非今調名曲耶性之云擊壤曲  
也扣角曲也一性情也蓄爲心曲發爲歌  
曲曲而不屈曲之真曲能有成曲之神神  
難言真在人何惡乎曲云曰曲義則美皇  
芻公里請奏曲終雅而易名以大聲性之  
不磨淳祐辛亥臘小山蕭泰來書